



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 3. S. Jacobus Nisibitanus.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

mada major) peregrinus de via ad eum Sæculum IV.
A C 325
divertit, oppido fatigatus; dixit ad fili-
liam suam tunc temporis viventem: *La-
va pedes ejus, & para cœnam.* Illa: *Nec
panis in domo est, nec farina, quoniam
tempore jejunii non indigemus.* Spiri-
dion peracta ad Deum oratione, penu-
riam panis hospiti excusans, filia præci-
pit, ut suillam sale conditam, quam do-
mi habebat, lixaret; ubi caro parata fuit,
accubuit cum hospite, & prior comedit,
invitans, ut & ipse reficeretur; ille ab-
nuere, & dicere, se esse Christianum; *I-
deo, inquit Spiridion: multo magis sine Tit. I. 15.
scrupulo comedas, quia scriptum est: Om-
nia munda mundis, sermone, & exemplo
docens, quantum Christianos Judæorum
superstitiones averſari oporteat.*

§. III.

S. Jacobus Nisibitanus.

Sanctus Jacobus Nisibi in Mesopotamia Theod. I.
hist. c. 7.
Episcopus, miraculis clarus, in ipsa
hac urbe, quæ Græce Antiochia Migdo-
niæ dicebatur, cunas sortitus erat. Idem Phi-
loth. c. I. Vi-
tam solitariam amplexus, primo in ar-
duis montium jugis habitabat; in hyeme
caverna eum ab aeris injuriis tutabatur,
cæteris anni temporibus nullo tecto in
sylvis morabatur; arbores incultæ fru-
ctibus, sponte nascentibus, alimenta præ-
bebant,

Sæculum IV. bebant, addebat olera, quæ comedi poterant; ignem vero nunquam excitabat; tunica aspera, & pallio operiebatur, pilis caprinis texto. Prophetiæ, & miraculorum dono a Deo præditus, quædam edidisse legitur in profectioe ad visitandas novellas Ecclesias, quæ in Persia nascebantur, suscepta; his consentit quod inter Synodi Nicænæ Patres aliquis Episcopus Persiæ, nomine Joannes, inveniatur Jacobus ob merita, & sanctitatis famam Episcopus in urbe Nisibi, patria sua, electus est. Episcopus in civitate eandem vitæ rationem, cui in sylvis assueverat servavit, sed jejuniis, & rigoribus curam pauperum, peccantium correctionem, aliosque labores pastorales junxit. Aliquando per quemdam locum transeunt occurrerunt pauperes, eleemosinam petentes, ut haberent, quo defuncti sodalis cadaveris instar ibi jacentis, funus curarent; Vir sanctus lubenter dedit, quod rogabant, oravitque pro defuncto, ut ei Deus peccata remitteret, & admitteret ad Sanctorum societatem; (*) tum vero

(*) Si Sanctus Jacobus cum modernis Protestantibus credidisset, animam hujus defuncti corpore egressam, statim & certissime vel in Cælo esse, vel in Inferno, & post mortem tolerandæ pænæ spatium non dari, quomodo prudenter pro

ro miser ille, qui mortuum simulaverat, Sæculum IV.
A. C. 325.
revera exspiravit; cum Sanctus præter-
riisset, socii ejus monentes, ut surgeret,
summo stupore obriguere, cum viderent
mortuum; recurrunt ad Sanctum, pro-
strati ad ejus pedes, dolum fatentur, &
suam paupertatem obtendunt; audiit il-
le benigne, & similibus ad Deum preci-
bus, quibus vitam ademerat vivo, reddi-
dit mortuo. Talis erat illustris Jacobus
Nisibitanus.

§. IV.

Alii Episcopi celebres.

Paulus Episcopus Neocæsariensis ad Eu- Theod. 1. c. 7.
phratem ambarum manuum usu pri-
vatus erat, quarum nervos Persecutores
ei sub Licinio ferro candenti adusserant.

Eustathius Episcopus Antiochenus quo- Hier. in Cat.
& epist. 126.
ad Evagr.
Sozo. 1. c. 2.
que in Concilio adfuit; natus erat Sidæ
in Pamphilia, & postquam Episcopus Be-
rææ in Syria fuisset, ad Sedem Antioche-
nam, defuncto S. Philogono, vocatus est.
Eustathius gloriose Nomen Jesu Christi
confessus fuerat, vir vitæ sanctitate, &
Doctrinæ fama præcipuus. Contra A-
rianos plura opera scripsit, quæ hodie de-
siderantur, superest autem Tractatus de

K § Pytho-

pro hoc Defuncto orare potuisset? ergo stolidi
est Interpretis Protestantis exclamatio: Die lieben
Älten haben nichts gewußt von einem Zegfeuer!